

ጳውሎስ ዊሞቶሳው ፃፊዳ ኮይር ኪታ ጌሉዋ

ዊሞቶሳ ጌቲቲያ፣ አማኒያ ያላጋይ፣ ቁሪ ኢሲያ ጌቲቲያ ሳዓን ዩሌቲዳ። ኢ ባሬ ዳዩ ባጋና አዩሁዳ አሳ፤ ባሬ አቡ ባጋና ቃሲ ጊሪኬ አሳ። ኢ ጳውሎሳና ኪታን ኢቲፔ ዙፔቲያ አሳ፤ ሚሺራቸዋ ቃላ ኪታካ እናና ማዴቲዳ ኦሊያዋ። ጳውሎስ ዊሞቶሳው ፃፊዳ ኮይር ኪታይ ሄዙ አይፊ ዩዋቱዋን ሻኬቲ።

ኡባፔ ካሱቲዳ ሃ ኪታይ አማኒያ አሳ ጊደን ዴንዴዳ ዋርዶ ቲሚርቲያባ ሚኒሲዳ ኦዴ። ሃ አማላ ጊዴዳ ቲሚርቲ አዩሁዳ አሳቱዋ ቆፋፔ ባጋኔ ሃራ አሳቱዋ ቆፋፔ ባጋ ኦይቄዳዋ፤ «ሃዌ ቤቲያ አላሚ ናጋራን ሃምባላቸቲ ዲጌዳዋ ጊዲያ ዲራው፣ አሳይ አቶቲላ ዴማናው ዲማ ጊዴዳ ፀራ ኤራቲላ ኤራናው፣ ኢቲ ኢቲ ቁማቱዋ ሚናን አጋናውኔ ማቸያ አኬናኒኔ ኢሲና ጌሌናን ዴዓናው ኮሽ» ያጊያ ቆፋ ባሶ ኡዲዳ ኦይቄዳዋ። ሄዋ ቦላካ ጉጂዴ ኦ ኪታይ አማኒያ አሳ አዩሱዋባኔ ጎይኑዋ ዋጋባ ታማሪሲያ ቲሚርቲያ፤ ሄዋዳንካ ቃሲ አማኒያ አሳ ካሌሊያዋንቲኔ ኡንቲንታ ማዲያዋንቲ አይ ማላ ኤሻና ዴዒያዋንታ ጊዳናው ቤሲንቶ ኦዲያባ ኦይቄዳ። ዉርሴላን ዊሞቶሲ ዩሱሲ ኪሪሰቶሳሲ ኦሊያ ሎዎ ኦሳንቻ ዋኒዴ ጊዳናው ዳንዲይንቶኔ ቃሲ ዲማ ዲማ አማኒያ አሳ ማባራ ሲንላን አው ዴዒያ አዋቲላሲ፣ ጳውሎስ ኦ ዙሪዳ ዙሪያ ቤዔቶ።

ሽምጋቱዋ ኡባቱዋሲ አሜቲዳ ቃንላ ቆፋቱዋ

ጌሉዋ (1:1-2)

አማኒያ አሳባኔ ኡንቲንቲ ጊደን ኦሊያ ያሳ ኦሳንቻቱዋባ (1:3-3:16)

ዊሞቶሳው ኦ ኦሱዋሲ አሜቲዳ ቲሚርቲያ (4:1-6:21)

1 ኑና አሺያ ያሳይኔ ኑኒ ቤዓና ጊዴ ናሽቻን ናጊያ ዩሱሲ ኪሪሰቶሲ አዛዜዳ አዛዙዋዳን፣ ዩሱሲ ኪሪሰቶሲ ኪቲዳዋ ጊዴዳ ታኒ ጳውሎስ።

2 አማኑዋ ባጋና ታ ቱሙ ናዓው፣ ዊሞቶሳው ሃ ዳቢዳቢያ ፃፋይ።

ዎርዶ ቲሚርቲያፔ ናጌቱሳ

ፆሳ ኑ አዉዋፔኔ ኑ ጎዳ ከሪሰቶሳ ዩሱሳፔ አጾ ከካቴላይ፥ ማርቴላይኔ ሳርቴላይ ኔው ጊዶ።

3 ታኒ ማቂዶኒያ ባዴ ኔው ጌዳዋዳን፥ ኔኒ ኤፌሶኔን ጋሚዳና ማላ ኮያዲ። ኢቲ ኢቲ አሳቱ ዎርዶዋ ቲሚርቲያ ታማሪሲና፤ ሄዋንቱ ታማሪሴና ማላ፥ አጌቱ ጋዴ ኑዳ።

4 ኡንቱንቱ ቶሳ ኑዲያዎኔ ባሬንቱ ዛሪያ ጋይሪያዋ አጋናዳን ኡዳ። አዪሲ ጎፔ፥ ሄዋ ማላባይ ፓሉማ ካሌጼ፤ ቃሲ ፆሳ ቆፋ አማኑዋን ኤሬቲያዋ ኦሊኪና።

5 ሃ አዛዘ ዋና ቆፋይ ገሻ ዋዛናፔ፥ ሎፆ ሱሬ ዋዛናፔ፥ አሳይ ቤፆ ጊያባይ ባይና አማኑዋፔ ቤቲያ ሰቁዋ ዴንጼላናሳ።

6 ኢቲ ኢቲ አሳቱ ሃዋ አጌዴ፥ ማዴና ሃሳያኮ ሲሜዲና።

7 ኡንቱንቱ አያ ሃሳዪንቶኔ ዎይ ባሬንቱን አማኔቲዴ ኑዲያባይ አዬንቶ ኤሪኪና፤ ሺን ፆሳ ሂጊያ ታማሪሲያዋንታ ጊዳናው ኮዪና።

8 አሳይ ቤሲያዋዳን ሂጊያን ጎዔቶፔ፥ ሂጊ ሎዓ ጊዲያዋ ኑኒ ኤሬቶ።

9 ኢቲባ አከካናው ኮሼ። ሂጊ ሎፆ አሳው ሜጴቲቤና። ሺን ሂጊያ ማንጺያዋንቶ፥ አዛዜቲናዋንቶ፥ ማካላንቻቶ፥ ናጋራንቻቶ፥ ጌሻቴላይ ባይናዋንቶ፥ ቱናቶ፥ ባሬንቱ ዳዮ ዎይ አባ ዎጲያዋንቱሲ፥ ሺዎፑዋ ዎጲያዋንቱሲ።

10 ዎሹማናው ካጄሊያዋንቶ፥ አቱማ አሳይ አቱማ አሳና ዎሹሚያዋንቶ፥ አሳ ዛሊዲያዋንቶ፥ ዎርዳንቻቶኔ ዎርዲዋን ጫቂያዋንቶ፥ ዎይ ቱሙ ቲሚርቲያና ጋከቴና አይ ኦሱዋ ጊዲናካ ኦሊያዋንቶ ከሴዳ።

11 ሄ ቱዋ ቲሚርቲ አንጄቲዳ ፆሳይ ታኒ አዋጅና ማላ፥ ታው ሃዳራ ኢሜዳ ቦንቾ ዎንጋላ ጊዲዋን ዴዔ።

ጳውሎሲ ፆሳው ሺሼዳ ጋላታ

12 ታኒ ኦሊያ ከታን ታው ዎልቃ ኢሜዳ ኑ ጎዳ ከሪሰቶሳ ዩሱሳ ጋላታይ። ታና ባሬ ኦሳንቻ ሱንጺዴ፥ ታና ሄ ኦሶ ቤሲያ አማኔቶዋ ጊዴ ፓይዴዳ ዲራዉካ አ ጋላታይ።

13 ታኒ ሃዋፔ ካሴ አ ቦሪያዋ፥ አ ዩዴርሲያዎኔ ቱጋዪያዋ ጊዶፔኔ፥ ታው ሃዋ ኢ ኦሌዳ። ሺን ታኒ ኤሬናን ኦሌዳ ዲራዉኔ አማናቤና ዲራውና፥ ፆሳይ ታና ማሬዳ።

14 ቃሲ ኑ ጎዳይ ዛዋይ ባይና ባሬ አጾ ከካቴላ ታ ቦላን ጉሲዳ፥ ከሪሰቶሳ ዩሱሳ ባጋና ኑባ ጊዴዳ አማኑዋኔ ሰቁዋ ታው ኢሜዳ።

15 ኪሪሰቶሳ ዩሱሲ ናጋራንቻቱዋ አሻናው ሃ ሳዓ ዩዳ ጊያ ሃሳያይ አማኔቲዳዋን አሳይ ኡባይ ቱማ ጊዴ አካናው ቤሲያዎ። ኡባፔ አዲያ ናጋራንቻይ ታና።

16 ሺን ሜዲና ዴዑዋ አካናው አኒ አማናናው ቤሲያ አሳው ታኒ ለሚሱዋ ጊዳናዳን፣ ኡባፔ አዲያ ናጋራንቻው ታው ዩሱሲ ኪሪሰቶሳ ዳሮ ዳንዳያዳን፣ ያሳይ ታና ማሬዳ።

17 አይፊያን ቤቴና ሜዲና ያሳው ኢቱዋሲ፣ ሜዲና ካቴው፣ ሜዲናፔ ሜዲና ጋካናው ጋላታይኔ ቦንቹ ጊዴ። አሜንዲ!

18 ታ ናዓ ዓመቶሳ፣ ካሴ ኔባ ቲምቢቲያ ኦዴዳዋዳን፣ ሄ ኦዴዳዋዳን ሎዖ ኦላ ኔኒ ኦሌታና ማላ፣ ሃ አዛዙዋ ኔው ሃዳራ ኢማይ።

19 አማኑኔ ሎዖ ሱሬ ዋዛናይ ኔው ዴዖ። ኢቱ ኢቱ ባሬንቱ ሱሬ ዋዛና ዩጊ አጊዴ፣ ላጊያዌ ባይና ማርካቢ ባዴያዋዳን፣ ባሬንቱ አማኑዋ ባዴዜዲና።

20 ያሳ ቦሬያዋ አጋና ማላ፣ ሄዋ ታማራናው ታኒ ሴፃናው አላ ኢሜዳ ሄሜኔዮሲኔ ኢሰከንዲሪ ኡንቱንቱ ጊዶን ዴዲና።

2

ዎሳ ጎሊያ ዎሳ

1-2 ኑኒ ያሳ ማላቲያዋን፣ ጌሻቴላ ኡባን፣ ሳርቴላኒኔ አሺኬቴላን ዴዓና ማላ፣ አሳ ኡባው፣ ካቴቶኔ ሱንጻቴላይ ዴዲያ ኡባቶ፣ ያሳ አቻናው፣ ዎሳናው፣ ጋናታናውኔ ጋላታናው ቤሲያዋ ኡባባፔ ካሴታዴ ታኒ ኔና ኤሪሳይ።

3-4 አሳይ ኡባይ አታናዳኒኔ ቱማቴላ ኤራናዳን ኮዪያ ኑና አሺያ ያሳ ሲንጻን ሃዌ ሎዲያባኔ ናሽቹያዎ።

5 አዩሲ ጎፔ፣ ኢቲ ያሳይ ዴዒ፣ ያሳፔኔ አሳፔ ጊዱዋን ጊዲዴ ጋናቲያ አቱ ዴዒ። ሄዌካ ኪሪሰቶሲ ዩሱሳ ጊያ አሳ።

6 ኢ አሳ ኡባ ዋዛናው ባሬና ኡባው ኢሜዳ። ያሳይ ባሬ ዎዲያን አሳ ኡባ ዋዛናው ኮዪያዋ ቤሲያ ማርካይ ሃዎ።

7 ታኒ ያሳ ቃላ ኦዲያዎ፣ ዩሱሲ ኪቴዳዋን ቃሲ አማኑዋኒኔ ቱማቴላን አዩሁዳ ጊዴና አሳ ታማሪሲያዋ ጊዳዴ ሱንጻቴላዳዎ ሃዎሳ። ታኒ ዋርዶቲኬ፣ ቱሙዋ ሃሳያይ።

8 ሄዎ ዲራው፣ ኡባሳን ዴዲያ አቱማ አሳይ ሃንቁኔ ፓሉሚ ባይናን፣ ባሬ ጌሻ ኩሺያ ፑዴ ዴንሊዴ፣ ያሳ ዎሳናዳን፣ ታኒ ኮያይ።

9-10 ሄዎዳን ቃሲ ማጫዋንቱካ ቤሲያ ማደዋ ያሻቴላኒኔ ባሬንታ ዋዲያዋን ማዩና። ያሳው ያያይ ጊያ ማጫ አሳ

ቤሲያዋዳን፡ ሎዖባ ኦሊያዋና፤ ኣቲን፡ ሁጲያ ሹሩባ ዳዲያዋን፡ ዋርቃን ዋይ ኢንቁዋን፡ ዋይ ዳሮ ኣልዖ ኣፊላን ባሬና ኣሌቂሶፒኖ።

11 ማጫወና ኡባባኒ ዋዴታዳ፡ ጮዑ ጋዴ ታማሩ።

12 ታኒ ማጫወና ጮዑ ጋዴ ዴዑ ጋዴ፤ ኣቲን፡ ኣቲማ ኣሳ ታማሪሱኔ ዋይ ኡንቲንቲ ቦላ ኣዎቲ ጊኬ።

13 ኣዩሲ ጎፔ፡ ኣዳሚ ኮይሮ ሜዴቴዳ፤ ሄዋና ጉዬፔ ሜዴታዳ።

14 ሄዋና ጨሚታዳ ዖሳ ሂጊያ ማንላዲፔ ኣቲን፡ ኣዳሚ ጨሚቲቤና።

15 ሺን ማጫወና ኣማኡዋን፡ ሲቁዋን፡ ጌሻቴላኒኔ ባሬና ዋዳዴ ዴዖፔ፡ ናና ዩሊያዋን ኣታና። *

3

ዋሳ ጎሊያ ካሌሊያዋንታ

1 ኣኒኔ ዋሳ ጎሊያ ካሌሊያዋ ጊዳናው ኮዮፔ፡ ሎዖባ ኣሞቲዳ ጊያ ሃሳያይ ቱማ።

2 ዋሳ ጎሊያ ካሌሊያ ኡራይ ቦሪቤናዋ፡ ኣቲ ማቻቲ ዓላላይ ዴዲያዋ፡ ባሬና ዋዲያዋ፡ ባሬና ናጊያዋ፡ ባሬው ቤሲያዋ ኦሊያዋ፡ ኢማላ ሞኪያዋ፡ ታማሪሳናው ዳንዳዩያዋ፡

3 ማሶቴናዋ፡ ኣሺኬቴላፔ ኣቲን ዋላቁቴናዋ፡ ፓሉሜቴናዋ፡ ሻሉዋ ሲቁናዋ፡

4 ናናይ ኣው ኣዛዜቲያዋኔ ቦንቺያዋ፡ ቃሲ ባሬ ጎሊያ ኣዩሳናው ዳንዳዩያዋ ጊዳናው ቤሲ።

5 ኣዩሲ ጎፔ፡ ኣቲ ኡራይ ባሬ ጎሊያ ኣዩሳናው ዳንዳዩናዋ ጊዳፔ፡ ዖሳ ኣማኒያዋንታ ዋቲ ኣዩሳናው ዳንዳዩ?

6 ኦቶሩዋን ሱጌቲዳ፡ ዓላሂያ ካፑ ዖሳ ፒርዳን ኩንዳዳዋዳን ኩንዳና ማላ፡ ኦራላ ኣማኔዳ ኣሳ ጊዳናው ቤሲና።

7 ዓላሂያ ካፑዋ ቦሪያኒኔ ጲሪያን ጌሊና ማላ፡ ሄ ኡራይ ዋሳ ጎሊያፔ ካሬና ዴዲያ ኣሳን ናሹቲያዋ ጊዳናው ቤሲ።

ዋሳ ጎሊን ማዲያዋንቲባ

8 ሄዋዳን ቃሲ ዋሳ ጎሊያ ማዲያዋንቲ ኣሳይ ቦንቺያዋንታ፡ ላዑ ዳና ሃሳዬናዋንታ፡ ዳሮ ዋዩኒያ ኤሳ ኡሹናዋንታ፡ ሚሻው ያሬቴናዋንታ፡

9 ኣማኡዋ ጱራ ጌሻ ዋዛና ቆፋን ናጊያዋንታ ጊዳናው ቤሲ።

2:13 ደም 2:7፣ 21-22 2:14 ደም 3:1-6 * 2:15 ናና ዩሊያዋን ኣታና፡ ናና ዩሊያዋን ናጌታ ዳናና ጉሳ። 3:2 ቲት 1:6-9

10 ሃዋንቱ ካሴቲዳ ፓጩታናው ኮሹ። ፓጩያ አጾዋፔ ጉዩያን፣ ዋሳ ጎሌን ኦሊያዋንታ ጊዲዳ ኦሊኖ።

11 ሃዋዳንካ ቃሲ ኡንቱንቱ ማቻቱ አሳይ ቦንቹያዋንታ፣ ዘጊሬናዋንታ፣ ባሬና ሞዲያዋንታ፣ ኡባባኒ አማኔቲያዋንታ ጊዲናው ቤሴ።

12 ዋሳ ጎሊያ ማዲያዌ ኢቲ ማቻቲ ፃላላይ ዴዲያዋኔ ቃሲ ባሬ ናናኔ ባሬ ጎሊያ ሎይሉ ኦሊያዋ ጊዲናው ቤሴ።

13 አዩሲ ጎፔ፣ ዋሳ ጎሊያ ማዲያዋንታ ጊዲዳ፣ ሎዖ ኦሱዋ ኦሊያዋንቱ ባሬንቱ ሁጾው ዋልቃማ ቦንቹዋ ዴሚኖ፤ ቃሲ ኪሪሰቶሳ ዩሱሳን ባሬንቶ ዴዲያ አማኑዋ ሎይሉ ፃሊዳ ሃሳያናው ዳንዳዩኖ።

ዋልቃማ ፀራ

14 ታኒ ኔኮ ኤሌካ ባና ጋዴ ሃዋ ኔው ፃፋይ።

15 ሺን ታኒ ቤናን ጋሚዖፔ፣ ዖሳ ጎሌን ኔኒ ዋታ ዴዳናው ቤሲንቶ ኤራና ማላ ፃፋይ። ሄ ጎሊ ቱማቴላው ቱሳኔ ባሶ ጊዲያ ዴዑዋ ዖሳ ዋሳ ጎሊያ።

16 ኑ አማኑዋ ፀራይ ዋልቃማ ጊዲያዋ ኦኒኔ ሲጻናው ዳንዳዩኖ።

ኪሪሰቶሲ አሹዋን ቆንጩዳ፤

ኢ ዲሉዋ ጊዲያዋ ጌሻ አያናይ ማርካቲዳ።

ኪታንቻቱካ አ ቤዔዲኖ፤

አዩሁዳ ጊዴና አሳይ አባ ኦዲና ሲሴዳ።

ሳዓን ዴዲያ አሳይ አ አማኔዳ፤

ቦንቹዋን ኢ ሳሉዋ ቤዳ።

4

ዋርዶ አስታማራቱዋ

1 ኢቲ ኢቲ አሳይ ዉርሴላ ዋዲያን አማኑዋ አጋናዋ ጌሻ አያናይ ቆንጩያን ኦዴዳ። ኡንቱንቱ ዋርዶ አያናቱዋሲ አዛዜታና፤ ቃሲ ፃላሃቱዋ ቲሚርቲያ ካላና።

2 ሃዋ ማላ ቲሚርቲ፣ ቲላ ዋዛና ታማን ቦንቄዳ ቢራታን ጉዴዳዋዳን ደንጩሌዳ ዋርዶ አሳቱዋ ባጋና ዩዳ።

3 ሃዋንቱ ማላ አሳቱ አኪያዋኔ ጌሊያዋ ቃሲ ኢቲ ኢቲ ቆዋ ካላ ሚያዋ ዲጊኖ። ሺን አማኒያዋንቱኔ ቱማቴላ ኤሪያዋንቱ ዖሳ ጋላቴዳዋፔ ጉዩያን ማና ማላ፣ ዖሳይ ካላ ሜዴዳ።

4 አዩሲ ጎፔ፣ ዖሳይ ሜዴዳባይ ኡባባይካ ሎዓ። ዖሳ ጋላቲዳ አኮፔ፣ ኦሌቲያዌ አያይኔ ባዋ።

5 አዪሲ ጎፔ፣ ሄ ኡባባይ ያሳ ቃላኒኔ ዋሳን አንጃቴዳዋ።

ኪሪሰቶሳሲ ሎዎ ኦሳንቻ ጊዲያዎ

6 ሄዋ ዲራው፣ ኔኒ አሻቱዋ ሄዋ ሃሳዪሲያዎ ጊደፔ፣ አማኑዋኔ ኔኒ ካሌዳ ሎዎ ቲሚርቲያ ቃላን ኤቆፔ ኔኒ ኪሪሰቶሲ ዬሱሳው ሎዎ ኦሳንቻ ጊደናሳ።

7 ሺን አማኒያ አሳው ሎዔና ሃሳያፔኔ ቃሲ ጨማ ማጫ አሳ ቶሳፔ ባቃታ። ቃሲ ያሳ ማላቲያዋን ኔና ሎሂሳ።

8 አዪሲ ጎፔ፣ አሳይ ባሬ ቦላ ሚኒሲያዌ ላፋ ጎዔ። ሺን ያሳ ማላቲያዋን ሎሂሲያዌ ሃዒካ ሲንሳፔካ ዴዑዋ ኢማና ጊያ ዲራው፣ ኡባባዉካ ጎዔ።

9 ሃ ሃሳያይ አሳይ ኡባይ አካናው ቤሲያ ቱሙ ሃሳያ።

10 ኔኒ ሄዋ ዴማናው ዳቡሬቶኔ ሎይሲ ኦሌቶ፤ ሄዋሲ ኔኒ ሂደታ ዎሌዳዌ አሳ ኡባ፣ ኡባፔ አሊዴ፣ አማኒያዋንታ አሺያ ዴዑዋ ያሳ።

11 ሃዋ አዛዛኔ ታማሪሳ።

12 ኔኒ ያላጋ ጊዲያ ዲራው፣ ኔና ኦኒኔ ካጶፖ። ሺን አማኒያዋንቶ ኔ ሃሳያን፣ ሃኖቴሳን፣ ሲቁዋን፣ አማኑዋኒኔ ጌሻቴሳን ሌሚሱዋ ጊደ።

13 ታኒ ያና ጋካናው አሳሲ ያሳ ማፃፋ ናባቢያዋን፣ ያሳ ቃላ ኡዲያዋንኔ ታማሪሲያዋን ሚና።

14 ቲምቢቲያ ኡዲያዋንቱ ሃሳዪናኔ ጨማቱ ባሬንቱ ኩሺያ ኔ ቦላ ዎሊና፣ ኔኒ አኬዳ፣ ኔናን ዴዒያ ጌሻ አያና ኢሙዋ ቶቾፓ።

15 ኔ ዲቻይ አሳ ኡባው ቆንጫና ማላ፣ ሄዋ ሚኒሳ ቆፓ። ሃዋ ኡባ ዎዴ ኦሳ።

16 ኔ ሁጲያኔ ኔ ቲሚርቲያ ናጋ። ኔኒ ሄዋ ኦሶፔ፣ ኔናኔ ኔኒ ጊያዋ ሲሲያዋንታ አሺያ ዲራው፣ አጌናን ኦሳ።

5

አምዔቱዋ ዞሬዳ ዞሪያ

1 ጨማ አሳ ኔ አባ ቦንቲያዋዳን ቦንቻፔ አቲን፣ ቶቾፓ። ያላጋቱዋ ኔ አሻዳን፣

2 ቃሲ ጨማ ማጫ አሳ ኔ አቲዳን፣ ያላጋ ማጫ አሳ ኔ ሚቻቲዳን፣ ኩሜንሳ ጌሻቴሳን ቦንቻ።

3 ባሬ ፃላላ ጊዴዳ ቱሙ አምዔቱዋ ቦንቻ።

4 ሺን አምዔቲው ናናይ ዎይ ናና ናናይ ዴዎፔ፣ ሄ ናናይ ያሳ ማላቲያዋ ባሬንቱ ሶይ አሳ ቤሲያዋንኔ ቃሲ ሄዋ ኦሊያዋን

ባሬንታ ዩሌዳዋንቱ ኩሺያ ዛሬያዋ ታማሪኖ። አዩሲ ጎፔ፣ ሄዌ ያሳ ናሼቺያዋ።

5 እያ ማዲካ ባይና ባሬ ዴዲያ ቱሙ አምባታ ያሳይ ኢማና ጋዴ ናሼቻን ናጋ ኡታዲ። ቃሲ ጋላሲኔ ቃማ ያሳይ ኢዞ ማዳና ማላ፣ ዋሳዉኔ ኦቻው።

6 ሺን ባሬና ኢሻሊሲያ አምባታ ፓፃ ዴፖፔካ፣ ኢዞ ሃይቃዲጋዲ።

7 ቃሲ ኦኒኔ ኡንቱንታ ቦሬና ማላ፣ ሃ አዛዙዋ ኢማ።

8 ሺን ባሬንቱዋ ቃሲ ኡባፔ አሊዴ፣ ባሬ ሶይ አሳው ቆፔና ኡራይ ኦናኔ ጊዶፔ፣ ሄዌ ባሬ አማኑዋ ካዴዳዋ። አማኔና አሳፔካ አዲዴ አው ኢታ።

9 ኡሱፑን ታሙ ላይላይ ኩሚቤና አምባቲ ሱንላ ማዘገቢያን ፃፎ። ሄዋ ቦላን ቃሲ ኢዞ ኢቲ አሲናፔ ሃራ ጌላቤናዉ ጊዳናው ኮሼ።

10 ናና ዲቺያዋን፣ ኢማላ ሞኪያዋን፣ ጌሻቱዋ ጌዲያ ሚጨያዋን፣ ዋዬቱዳ አሳ ማዲያዋን፣ ሎፖ ኦሱዋ ኡባ ካሊያዋን፣ ሃ ሎፖ ኪታ ኪቲቲያዋን ኤሬቲዳዉ ጊዳናው ቤሴ።

11 ሺን ያላጋ አምባቲዋ ዮኮንቱ ሱንላና ጋላ ፃፎ። አዩሲ ጎፔ፣ ኡንቱንቱ ባሬንታ፣ አሲና ጌላ ጌላ ጊያ ዋዴ፣ ኪሪሰቶሳ አጋናዋንታ።

12 ኮይሮ አማኑዋ ካዲዳ ዲራው፣ ኡንቱንቱ ፒርዴታና።

13 ሄዌ ባይናን ኡሱዋ ቶዴዴ ኢቲ ጎሊያፔ ሃራ ጎሊያ ዩዩዴ፣ ሃሚቲያዋ ፃላላ ጊዴናን፣ ባሬንቶ ቤሴናባ ሃሳዩዴ፣ ዚጊርሳኔ ዬዉዋን ጮ ጌሊያዋ ታማሪኖ።

14 ሄዋ ዲራው፣ ኑ ሞርኬቱ ኑ ቦላ ሃሳዩያ ኢታባ ዴሚና ማላ፣ ያላጋ አምባቲ አሲና ጌሊዴ፣ ናዓ ዬሊዴ፣ ባሬንቱ ጎሊያ አዩሳና ማላ ዘራይ።

15 አዩሲ ጎፔ፣ ሃዋፔ ካሴ አማሬዳ አምባቲ ሴፃና ካላናው አጊዴ ጉዬ ሲሚዲኖ።

16 አማኒያ ሚሺራቲው ሃቃንካ ዳቦ አምባቲ ዴፖፔ፣ ኢዞ ኡንቱንታ ማዳናው ቤሴ። አማኒያ አሳቱ ማዲ ቤሲያ ቱሙ አምባቲዋ ማዳና ማላ፣ ኡንቱንቱ አማኒያዋንቶ ቶኮ ጊዶፔኖ።

17 ሎይሊ ሄሚያ ጨማቱ፣ ቃሲ ኡባፔ አሊዴ፣ ቃላ ኡዲያዋኒኔ ታማሪሲያዋን ዳቡሪያዋንቱ፣ ዳኮ ቦንቹዋ አካናው ቤሲኖ።

18 አዩሲ ጎፔ፣ ያሳ ማፃፋይ፣ «ኡዲማን ካላ ዬዲያ ቦራ ዶና ቃቾፓ» ቃሲ፣ «ኦሳንቻይ ባሬ ዲርጉዋ አካናው ቤሴ» ያጌ።

19 ላዑ ዋይ ሄዙ ማርካይ ባይናን፣ ዋሳ ጎሊያ ጨማ ሞቲያዎ ሲሰጥ።

20 ሃራቱ ያያና ማላ፣ ናጋራ ኦሊያ ኡባቱዋ ኣሳ ኡባ ሲንላን ሴራ።

21 ኔኒ ኣይኔ ኣሳ ዴሙዋ ጂሌናን፣ ኢቱዋ ኢቱዋፔ ዲማዬናን ሃ ኣዛዙዋ ናጋና ማላ፣ ያሳኒኔ ዬሱሲ ኪሪሰቶሳን ደሬቴዳ ኪታንቻቱዋ ሲንላን ኔና ታኒ ዘራይ።

22 ኦ ቦላኒኔ ኤሌላዴ ኔ ኩሺያ ዋላጋ። ሃራቱዋ ናጋራን ጌሎጋ። ኔና ጌሻቴላን ናጋ።

23 ኔኒ ኡባ ዋዴ ሳኬቲያ ዲራውኔ ኔ ኡሉዋ ዲራው፣ ጉላ ዋዴኒያ ኤሳ ኡሻፔ ኣቲን፣ ሃላ ፃላላ ኡሾጋ።

24 ኢቲ ኢቲ ኣሳቱዋ ናጋራይ ቤዓናው ቆንጨ፣ ኡንቱንቱ ናጋራይ ኡንቱንታ ፒርዳናው ኡንቱንቱ ሲንላው ኣዴ። ሺን ሃራቱ ናጋራይ ጉዬፔ ቆንጨ።

25 ሄዋዳንካ፣ ሎዖ ኦሱካ ቆንጨ። ቆንጨቤናባ ጊደፔኔ፣ ጌማናው ዳንዳዬና።

6

ኣይሌቱዋሲ ኢማቴዳ ዞሪያ

1 ያሳ ሱንሳይኔ ኑ ቲሚርቲ ቦሬቴና ማላ፣ ኣይሌቴላ ሞርጌ ሚላ ጊደን ዴዒያዋንቱ ባሬና ሞዲያ ጎዳቶ ቦንቹ ቤሲያዋ ኤሪና።

2 ኣማኒያ ኣሳ ኣይሊያ ጊዴዳዋንቶ ኡንቱንቱ ጎዳቱ ኡንቱንቶ ኢሻ ጊዲያ ዲራው፣ ኡንቱንታ ካዶፒና። ሺን ባሬንቱ ኪታን ጎዴቲያዋንቱ ኡንቱንቱ ሲቁያ ኣማኒያዋንታ ጊዲያ ዲራው፣ ኡንቱንቱ ካሴዋፔ ኣሊዴ ኦላናው ቤሴ።

ዋርዶ ቲሚርቲያኔ ቱሙ ዲሬቴላ

ኔኒ ሃ ዬዋቱዋ ታማሪሳናውኔ ኦዳናው ቤሴ።

3-4 ኦኒኔ ዲማ ቲሚርቲያ ታማሪሲያዋ ጊደፔ፣ ቃሲ ኑ ጎዳ ዬሱሲ ኪሪሰቶሳ ቱሙ ቃላናኔ ኑ ኣማኑዋ ቲሚርቲያና ጋኬቴና ኡራይ ዳሮ ኦቶሬቴ፣ ኣይኔ ኤሬና። ቃሲ ቃላ ቦላን ፓሉሚታናውኔ ዋላቁታናው ኡንቱንቶ ገገና ቆፋይ ዴዒ። ሄዌ ቃናቲያ፣ ፓሉማ፣ ቦሪያ፣ ኢታ ሲዲያ ካሌሌ።

5 ቃሲ ኡንቱንቱ ሁጺ ኦሌና። ቱማቴላይ ባይና ኣሳቱዋናካ ፓሉማ ካሌሌ። ኡንቱንቱ ያሳ ማላቲያዋን ዲሬታና ጊዴ ቆፒና። ኔኒ ሄ ኣሳቱዋፔ ሻኬታ።

6 ሺን ታው ዳዲያባይ ታው ጊዳና ጊያ ኡራ ያሳ ማላቲያዌ ዲራዬ።

7 አዪሲ ጎፔ፣ ኑኒ ሃ አላሚያ አይኔ አሂቤይኮ፤ ቃሲ አፔ አይኔ አርኮ።

8 ሺን ሚያባይኔ ማዪያባይ ዳፖፔ፣ ሄዌ ኑሲ ጊዳናዋ።

9 ሺን ዱሪታናው ኮዪያዋንቱ ፓጩያኒኔ ጲሪያን ጌሊኖ፤ ቃሲ ዳሮ አሳ ባሻዉኔ ቆዮ ጎቺ አፊያ ዳሮ ኤያኔ ቆሂያ አሙዋን ኩንዲኖ።

10 አዪሲ ጎፔ፣ ሻሉዋ ሲቂያዌ ኢታቱላ ኡባው ፑልቱዋ። ኢቱ ኢቱ ሄዋ አሞቲዲ፣ አማኑዋፔ ባሌቲዳ፣ ዳሮ ሜቱዋን ባሬንታ ቆሂዲኖ።

ጳዉሎሲ ሂሞቶሳ ዞሪዳ ዞሪያኔ አዛዜዳ አዛዙዋ

11 ሺን ኔኖ፣ ያሳ አሳው፣ ሄዋፔ ባቃታ። ሂሎቴላ፣ ያሳ ማላቲያዋ፣ አማኑዋ፣ ሲቁዋ፣ ዳንዳያኔ አሺኩቴላ ካላ።

12 አማኑዋ ባዲያ ሎይላ ባዲታ። ዳሮ አሳ ሲንላን ሎፖ ማርካ ማርካታዳ፣ ኔና ያሳይ ያሴዳ ሜጲና ዳዑዋ ኦይቃ።

13 ኡባባው ዳዑዋ ኢሚያ ያሳ ሲንላኒኔ፣ ቃሲ ጴንጻናዊያ ጲላያሳ ጌቱቲያ ጋዲያ ሞዲያዋ ሲንላን ሎፖ ማርካ ማርካቴዳ ኪሪሰቶሲ ዩሱሳ ሲንላን ታኒ ኔና ሃዋ አዛዛይ።

14 ኑ ጎዳ ዩሱሲ ኪሪሰቶሲ ቆንጫና ጋካናው፣ ቂታይ ባዪናኒኔ ቦሪ ባይናን ሄ አዛዙዋ ናጋ።

15 አ ቆንጫፋ፣ ኢቲ ሱንላይ ዳዲያ አንጃቲዳ ያሳይ፣ ካታቱዋ ካቲ፣ ጎዳቱዋ ጎዳይ፣ ባሬ ቤሲያ ሞዲያን ቤሳና።

16 ሃይቁናዊ ኢቲ አ ያላላ። ኦኒኔ አኮ ሺቃናው ዳንዳዬና ፖውዋን ዳዔ። ኦኒኔ አ ቤዒቤና፤ ቃሲ ቤዒናዉካ ዳንዳዬና። ቦንቹኔ ሜጲና ዋልቃይ አው ጊደ። አሜንዒ።

17 ሃዒ ሃ ሞዲያን ዲራ ጊዲያዋንቱ ኦቶሬቴናዳኒኔ ቃሲ ኑኒ ናሼታናዳን፣ ኡባባ ፓላሂሲዳ ኑሲ ኢሚያ ዳዑዋ ያሳን አማኔታናዋፔ አቲን፣ አጲያ ዲራቴላን ኡንቱንቱ አማኔቴናዳን፣ ኡንቱንታ አዛዛ።

18 ኡንቱንቱ ሎፖባ ኦላናዳን፣ ሎፖ ኪታን ዲራታናዳን፣ ከኪያዋንታኔ ሃራቱዋና ሻኪ አኪያዋንታ ጊዳናዳን አዛዛ።

19 ሄዋ ያቲያዋን ኡንቱንቱ ሲንላው ሚኖ ባሶ ጊዲያ ሻሉዋ ባሬንቶ ሺሺኖ። ሄዋፔ ጉዪያን፣ ኡንቱንቱ ቱሙ ዳዑዋ አካና።

20 ሂሞቶሳ፣ ኢቲ ኢቲ አሳይ ባላን ኤራቴላ ጊያ ኤያ ፓሉሚያፔኔ ሜላ ሃሳያፔ ባቃታዳ፣ ኔው ኢሜቴዳ ሃዳራ ናጋ።

21 አዲሱ ጎፔ፣ አቱ አቱ ኩሲ ኤራቴላይ ደዔ ያገደ፣ አማኑዋ ባሌዲኖ።
 ያሳ አጽ ከካቴላይ ሂንቴናና ኡባና ገደ።

Ooratha Caaquwaa New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 1 Oct 2024 from source
files dated 29 Jan 2022
585b63ca-b8e6-55c8-bfef-10bdc95ad69c